



**PEKELILING
SURUHANJAYA PENGANGKUTAN AWAM DARAT
BIL.8 TAHUN 2012**

**SYARAT - SYARAT LESEN PENGENDALI KENDERAAN BARANGAN BERKENAAN
SPESIFIKASI KENDERAAN, JENIS BARANGAN YANG DIBENARKAN DIBAWA DAN
KEADAAN BARANGAN YANG DIBAWA SEBAGAI SYARAT LESEN PENGENDALI
KENDERAAN BARANGAN JENIS TIPPER/DUMPER YANG BEROPERASI DI
SEMENANJUNG MALAYSIA**

**SURUHANJAYA PENGANGKUTAN AWAM DARAT
SEMENANJUNG MALAYSIA**

TARIKH: 25 SEPTEMBER 2012

Semua Persatuan Pengendali Perkhidmatan Kenderaan Barangan di Semenanjung Malaysia
Semua Pengendali Berlesen Perkhidmatan Kenderaan Barangan di Semenanjung Malaysia
Semua Pejabat SPAD Negeri
Agensi-agensi Kerajaan Yang Berkenaan

**SYARAT - SYARAT LESEN PENGENDALI KENDERAAN BARANGAN BERKENAAN SPESIFIKASI
KENDERAAN, JENIS BARANGAN YANG DIBENARKAN DIBAWA DAN KEADAAN BARANGAN
YANG DIBAWA SEBAGAI SYARAT LESEN PENGENDALI KENDERAAN BARANGAN JENIS
TIPPER/DUMPER YANG BEROPERASI DI SEMENANJUNG MALAYSIA**

TUJUAN

1. Pekeliling ini bertujuan untuk memaklumkan spesifikasi kenderaan, jenis barangan yang dibenarkan dibawa dan keadaan barangan yang dibawa yang akan dijadikan syarat lesen pengendali kenderaan barangan jenis tipper/dumper (melibatkan kenderaan tegar dan kenderaan bersendi) yang beroperasi di Semenanjung Malaysia.

PERKARA-PERKARA YANG HENDAK DIMAKLUMKAN

2. Syarat-syarat lesen pengendali berkenaan spesifikasi kenderaan, jenis barangan yang dibenarkan dibawa dan keadaan barangan yang dibawa kenderaan barangan jenis tipper/dumper tersebut akan berkuatkuasa mulai tarikh berkuatkuasanya pekeling ini.
3. Tujuan syarat-syarat lesen pengendali kenderaan barangan jenis tipper/dumper ini diperkenalkan adalah untuk:
 - a. memastikan kenderaan yang beroperasi adalah mengikut kelulusan asal semasa dilesenkan bagi memastikan keberkesanan peralatan teknikal semasa operasi;

- b. memberi penjelasan berkenaan tatacara penggunaan kenderaan barangan jenis tipper/dumper untuk jenis barangan yang dibenarkan;
- c. mempertingkatkan aspek keselamatan dan aspek fizikal kenderaan barangan yang beroperasi di Semenanjung Malaysia;
- d. mengurangkan kerosakan jalanraya akibat daripada membawa muatan yang berlebihan; dan
- e. mengurangkan kadar bilangan kenderaan barangan yang menyumbang kepada kemalangan dan pencemaran alam sekitar.

4. Berikut adalah syarat-syarat lesen pengendali kenderaan barangan jenis tipper/dumper:

(a) Spesifikasi Kenderaan

Ketinggian panel sisi (sideboard)	a. Had maksima ketinggian panel sisi bagi kenderaan barangan jenis tipper/dumper adalah seperti berikut:	
	BDM/BGK	Panel sisi (mm)
	2,501 kg < BDM/BGK < 5,999 kg (jarak roda ≤ 2,500 mm)	406
	2,501 kg < BDM/BGK < 5,999 kg (jarak roda > 2,500 mm)	305
	6,000 kg < BDM/BGK < 20,999 kg	610
	BDM/BGK ≥ 21,000 kg	762
	b. Bagi <u>kelulusan khas</u> pengubahsuaian dan penambahan panel sisi, berikut adalah syarat-syarat pengendalian kenderaan tersebut:	

	<ul style="list-style-type: none"> i. Pemasangan ‘detachable railing with wiremesh’ yang tidak melebihi ketinggian panel sisi sedia ada adalah dibenarkan untuk jenis barangan yang berasaskan hasil pertanian sahaja. ii. Pemasangan panel sisi yang lebih tinggi dari ukuran yang diluluskan di dalam pelan teknikal kenderaan Jabatan Pengangkutan Jalan (JPJ) adalah dibenarkan, tertakluk kepada had maksima ketinggian panel sisi iaitu 1524mm mengikut jenis barangan yang dikhaskan untuk kenderaan barangan jenis tipper/dumper tersebut.
<p style="text-align: center;">Had muatan (berat dan saiz)</p>	<ul style="list-style-type: none"> a. Had maksima muatan tidak boleh melebihi berat dengan muatan (BDM) yang ditetapkan oleh Jabatan Pengangkutan Jalan (JPJ). b. Bagi kenderaan bersendi, BDM yang dibenarkan untuk ditarik oleh penggerak utama/penarik pada bila-bila masa hendaklah tidak melebihi BDM penggerak utama atau treler yang mana lebih rendah. c. Muatan yang dibawa hendaklah tidak melebihi paras ketinggian panel sisi (sideboard) yang diluluskan oleh JPJ.
<p style="text-align: center;">Panjang Keseluruhan Kenderaan</p>	<p>Hendaklah menurut peruntukan yang terkandung di dalam Kaedah 10, Kaedah-kaedah Kenderaan Motor (Pembinaan & Penggunaan) 1959 dan pekeliling Jabatan Pengangkutan Jalan, Bil.3/1990.</p>

(b) Jenis barangan yang dibenarkan dibawa

Jenis barangan yang
dibenarkan dibawa

a. Jenis barangan yang dibenarkan dibawa kenderaan barangan jenis tipper/dumper yang mempunyai panel sisi tidak melebihi 762mm adalah:

i. serbuk dan ketulan yang terdiri daripada bahan mineral dan galian seperti tanah laterit, tanah gembur, tanah liat, pasir, batu karang, kapur, batu kapur atau kuarzit, turf, guano, batu atau granit, jubin, marmar, simen, serbuk silica, syal, amang atau bahan-bahan seumpamanya; dan

ii. bijirin dan barangan berderai seperti jagung dan seumpamanya.

b. Jenis barangan yang dibenarkan dibawa kenderaan barangan jenis tipper/dumper yang mempunyai 'wiremesh railing' adalah:

i. barangan tidak berderai seperti tandan kelapa sawit dan seumpamanya;

ii. barangan buangan seperti dahan, ranting kayu dan seumpamanya (syarat ini hanya untuk kenderaan tegar sahaja); dan

iii. jenis barangan atau muatan yang dinyatakan di dalam pelan teknikal kenderaan tersebut yang diluluskan oleh JPJ.

	<p>c. Jenis barangan yang dibenarkan dibawa bagi kenderaan barangan jenis tipper/dumper yang mempunyai panel sisi melebihi 762mm adalah tertakluk kepada jenis muatan yang dinyatakan di dalam pelan teknikal kenderaan tersebut yang diluluskan oleh JPJ iaitu seperti:</p> <ul style="list-style-type: none"> i. serbuk kayu; ii. papan Gypsum; iii. hasil pertanian (berbentuk partikel halus); iv. buah kelapa sawit (berbentuk halus); v. besi buruk; dan vi. sebarang barangan yang berbentuk partikel halus. <p>d. Jenis atau bentuk barangan yang dibenarkan dibawa hendaklah yang bukan dalam bentuk bungkusan atau 'palletized' karton atau kotak.</p>
--	--

(c) Keadaan barangan yang dibawa

<p>Keadaan barangan yang dibawa</p>	<ul style="list-style-type: none"> a. Barangan yang dibawa hendaklah ditutup sepenuhnya dengan kain tarpaulin atau seumpamanya. Barangan yang dibawa tidak boleh berada dalam keadaan terdedah dan membahayakan pengguna jalanraya yang lain semasa beroperasi di atas jalan raya. b. Sekiranya barangan yang dibawa basah atau berair, kenderaan berkenaan hendaklah dilengkapi dengan penakung air untuk memastikan air tidak menitis diatas jalan raya.
--	--

	<p>c. Serpihan dari barangan atau partikel muatan yang dibawa tidak boleh berciciran semasa beroperasi.</p>
--	---

(d) Dokumen Operasi

<p>Dokumen Operasi</p>	<p>Dokumen-dokumen yang hendaklah dibawa oleh pengendali atau pemandu kenderaan barangan semasa kenderaan sedang beroperasi adalah:</p> <ol style="list-style-type: none"> i. salinan lesen pengendali (disahkan oleh SPAD); ii. permit asal kenderaan; iii. salinan syarat lesen; iv. cukai jalan yang sah; iv. lesen memandu kenderaan barangan yang sah; v. perakuan pemeriksaan PUSPAKOM (DISC); vi. pelan teknikal kenderaan yang diluluskan oleh JPJ (bagi kenderaan kelulusan khas); dan vii. jika berkenaan, salinan dokumen kebenaran atau permit dari pihak berkuasa atau agensi-agensi berkenaan seperti yang diperuntukkan oleh undang-undang yang sedang berkuatkuasa.
------------------------	---

TINDAKAN

5. Semua persatuan dan pengendali berlesen kenderaan barangan jenis tipper/dumper perlulah mengambil tindakan dan memaklumkan semua ahli-ahli persatuan, pemandu dan pihak-pihak yang terlibat untuk mematuhi arahan ini.

TARIKH KUATKUASA

6. Pekeliling ini berkuatkuasa mulai 25 September 2012.

“BERKHIDMAT UNTUK NEGARA”



(AZHAR BIN AHMAD)

Ketua Pegawai Operasi
Suruhanjaya Pengangkutan Awam Darat
25 SEPTEMBER 2012